

ARABAKO ERREPIDEETAN IZAN ZIREN OSTERA ERE ERAGOZPENIK GEHIEN ELURRARENGATIK

Elurrak arazoak sortu ditu berriz Euskal Herriko errepideetan

Elurrak arazoak sortu zituen berriz ere atzo Euskal Herriko errepideetan. Informazio hau idazteko orduan errepide sare nagusian ez zegoen aparteko arazorik. Bigarren mailako hiru portu, berriz, itxita zeuden. Eguraldiak bere horretan jarraituko du.

Erredakzioa / Donostia


ELURRAK arazo ugari sortu zituen atzo Euskal Herriko errepideetan. Informazio hau idazteko orduan Euskal Herriko errepide sare nagusia nahiko egoera onean zegoen, baina bigarren mailakoan arazoak zeuden hainbat lekutan. Datozen eguntarako eguraldiak bere horretan jarraituko omen du.

Gabonetako oporrak Euskal Herriatik at pasa dituztenek arazo ugari izan zituzten atzo etxera itzultzeko. Madril eta Valentzia ingurutik etorri behar zutenek izan zituzten arazo gehien. Oporrak bukatu arren ez itzultzeko gomendioa egin zuen atzo Espainiako Trafiko Zuzendaritza Nagusiak.

Euskal Herriko errepideak. Eusko Autonomi Elkarteak (EAE) Araba eta Gipuzkoan eragin zituen arazo gehien atzo elurrak. Informazio hau idazteko orduan Araban Herrera Opakua eta Urdunako portuak itxita zeuden ibilgailu guztientzat. Barrerilla eta Zaldiaranen, berriz, kotxeek kateak behar zituzten portua zeharkatu ahal izateko eta kamioientzat itxita zegoen.

Gipuzkoan kotxeek kateak behar zituzten Artikutza eta Arrate gainetara iristeko. Kamioientzat bi mendate hauek itxita zeuden, bai eta Aztiriko gaina ere. Gai-nontzeko errepideetan, batez ere Deba Garaian, kontu handiz ibili beharra zegoen.

Bizkaian Urkiolako portua izan zen atzo egun guztian zehar arazo gehien izan zituena. Informazio hau idazteko orduan autoek kateak behar zituzten Urkiolako



Elurrak arazo ugari sortu ditu egunotan errepideetan.

OLALDE

maldak igotzeko, eta kamioientzat mendatea itxita zegoen osotara.

Gaurkorako iragarleek egin dituzten prebisioak bere horretan jarraitzen du. Temperatura hotzek elurra ekar dezakete 500 metrotik gorako lekuetara. Gai-nontzekoan eguraldiak aurreko egunetako jarraipena izango du.

Nafarroako lehen mailako errepide sarean, atzo ilunabarrean kamioientzako itxita zeuden

Ibañeta eta Mezkitz mendateak, eta N-121 errepidea 55. kilometroan, Sunbilitatik gertu. Kotxeek kateak behar zituzten horiek igaro ahal izateko. Bestalde, bigarren mailako errepide sarean ibilgailu guztientzako itxita zeuden NA-140 errepidea Ihaurrietan, eta Izabatik Biarnora doan errepidea 18. kilometrotik aitzina. Halaber, kamioientzako itxirik zeuden eta katedun kotxeentzako soilik irekita Laza menda-

tea, eta Izabatik Biarnorako errepidea 18. kilometroa arte. Izotza zela kausa, SOS-Nafarroak foru elkarteak errepide guztietan arretaz gidatzeko gomendioa zabaldu zuen atzo.

Iparraldeko errepideetan ez zen inolako arazorik atzo arratsaldean batetik bestera joateko. Zuberoan, mendi aldean, arazoak izan dira azken egunotan, baina atzorako egoerak hobera egin zuen. X

Jose Julian Irizar Garraio
diputatuarekin bat egin du Gazte Abertzaleak taldeak

■ *E*Ako buruzagia gaur epaituko dute Zumarragako alkate zela Armada laguntzeari uko egiteagatik

Erredakzioa / Donostia

INTSUMISIOAREN inguruan «gizartearen eta legearen artean dagoen desoreka» gainditzea beharrezkoa da, Gazte Abertzaleak taldeak Jose Julian Irizarren epaiketa dela eta azpimarratu duenez. Gaur goizen epaituko dute Donostian Eusko Alkartasunako (EA) Gipuzkoako lehendakaria, Zumarragako alkate zela, Armadari laguntzeari uko egiteagatik. Hark hartutako jarrerarekin bat egin dute eta Irizarri babes osoa azaldu diote alderdiko gazteek komunikabideetara bidalitako prentsa oharrean jakinarazi dutenez.

Lege bat aplikatzeko orduan «honek gizartearen babesa duen ala ez kontuan hartu behar da», Gazte Abertzaleak taldeak azpimarratu duenez: «Garbi dago gizartearen eskaera antimilitarista eta pazifistak ez datozela bat egun aplikatzen den legediarekin», gaineratzen du oharrak.

Era berean, Jose Julian Irizar Gipuzkoako diputatuaren jarrera goraipatu egin dute Eusko Alkartasunako gazteek: «Bere kontzientziak eta Eusko Alkartasunaren ideologia progresista eta bakezaleak bultzatuta, Zumarragako alkate zenean ez zituen militarrek eskatu zizkieten papearak entregatu», gogoratu dute. Hori dela eta, Irizarrek «erakutsitako bideari segitzeko» eskatu diete Gazte Abertzaleak taldeak gainontzeko alderdi politikoetako buruzagiei. X

Zazpi etorkin klandestinoak Baionako epailearen aitzinean pasatu dira atzo

■ Larunbatean iritsi ziren Baionako portura poliziak atxilotu aitzin

E.B. / Baiona

JOAN DEN larunbatean zazpi etorkin klandestino iritsi ziren Baionako portuko industri zonaldera, Tarnos-era zehazkiago. Hara iritsi bezain laster Diccilec-eko polizia etorri zen haien atxilotzera. Atzo pasatu dira Baionako auzitegitik zazpi pertsona hauek. Epaileak erabaki behar zuen ea atxilotze administratiboa luzatzen zien ala ez. Ez balie luzatzen segidan kanporatuak lirateke.


Defentsak puntu ugari altxatu eta salatu ditu. Alde batetik azpimarratu dute itsasontzian azken sei egunak baldintza oso txarretan pasa dituztela, jan gabe

eta toki txiki batean metaturik, hots, 1,5 metro zabal eta 2 metro luzeko gela batean. Etorkin horietatik sei marokoarrak dira eta zazpigarrena senegaldarra. Azken hau lehenago sartu zen itsasontzian eta beranduago harapatua izan zen.

Abokatuek dudak ezarri dute pertsona hauen atxilotzeko mugara igotzeko agindua eman duen saila. Agindu hori Pirineo Atlantikoetako prefetak eman du eta afera Baionako prokuradorearen gain utzi. Bainan imigratuak Tarnos-eko kaira iritsi direnez, afera Landesetako prefetak hartu behar zuen bere gain. Beste irregularitasun bat ere erakutsi dute, atxilotzeko baldintze-

na. Atxilotzeko momentuan imigratu horiei ez zitzaion nortasun kontrolik egin. Atxilotzeko baliatu duten arrazoi bakarra da itsasontzian mediterranean arrazako sei pertsona zaudela eta arraza beltzeko bat.

Untzia Afrikatik heldu zen eta Marokon geldialdi bat egina zuen. Lehen pertsona, Senegalgoa, abenduaren 23an igo zen itsasontzira, urera jauzi eginik. Besteak geldialdian igo ziren abenduaren 30ean. Poliziek bazekiten imigratu klandestino horiek itsasontzian zirela, kapitainak MATRAMA bere itsas agentziari fax bat igorri baitzion abisuaren emateko. Agentzia horrek Baionako fiskaltzari jakinarazi



Baionara iritsi bezain laster atxilotu zituzten zazpi etorkinak.

BOBP EDME

zion imigratu klandestino batzuk bazeudela itsasontzian.

Itsasontzia iritsi zelarik Amnesty International elkarteak ki-

de batzuk agertu ziren imigratuak berehala mugara igor ez zitzaten. Etorkinek asilo politikoa eskatzeko asmoa omen zuten. X